

**Uunga siunnersuut: Piginneqatigiilluni inissiat pillugit Inatsisartut inatsisaat nr. xx, xx.
xxx 2017-imeersoq**

*(Saqq.: Kommunitut, Nunaqarfinnut, Isorliunerusunut, Attaveqatigiinnermut
Ineqarnermullu Naalakkersuisoq)*

pillugu

Sanaartornermut ataatsimiititaliap

ISUMALIUTISSIISUTAA

Siunnersuutip aappassaaneerpeqarneranut tunniunneqartoq

Suliarineqarnerani ataatsimiititaliaq ukuninnga inuttaqarpoq:

Inatsisartunut ilaasortaq Bendt B. Kristiansen, Inuit Ataqtigiit, siulittaasoq
Inatsisartunut ilaasortaq Jens-Erik Kirkegaard, Siumut, siulittaasup tullia
Inatsisartunut ilaasortaq Pitsi Høegh, Siumut
Inatsisartunut ilaasortaq Jess Svane, Siumut
Inatsisartunut ilaasortaq Villy Olsvig, Inuit Ataqtigiit

UKA 2017-ip nalaani ull. 27. september siullermeerereermermi siunnersuut ataatsimiititaliamit misissorneqarpoq.

1. Siunnersuutip imaa siunertaalu

Inatsisissatut siunnersuut piginneqatigiilluni inissiat pillugit inatsisaavoq nutaaq ullumikkumullu naleqqussagaasoq. Piginneqatigiilluni inissiatillit peqatigiiffii mikinerit pilersinnissaannik akuersissuteqarnikkut siusinnerusukkut inatsiseqarnermut sanilliullugu sumiiffiit mikinerit inatsisissatut siunnersuutikkut iluaqtissinneqassapput. Sumi najugaarnek apeqqutaalluni taarsigassarsinermit killiliussat assigiinngitsut tassunga atatillugu siunnersuutigineqarput, kiisalu pigisat aalaakkaasut pillugit niuernermit pissutsit suli nalinginnaalersinniarnearlutik. Kiisalu marloqiusamik taarsigassarsianik aqutsineq Naalakkersuisunit kommuninut nuunniarnearpoq.

2. Siunnersuutip Inatsisartuni siullermeerneqarnera

Siunnersuut ataatsimut isigalugu tapersersorneqarpoq, Inatsisissatulli siunnersuutip atuutilersinneqarnissaanut apeqqutit ataasiakkaat Sanaartornermut ataatsimiititaliamit misissoqquneqarput.

3. Tusarniaanermi akissutit

Tusarniaanermi akissutit inatsisissatut siunnersuummut tapiliunneqarput, tamannalu Inatsisartut Siulittaasoqarfiannit ilusiliinissamut piumasaqaatinut naapertuuppoq.

Ataatsimiititaliap maluginiarppaa, tusarniaanermi akissuteqarnissamut uku kaammattorneqarsimasut: Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Aningaasaqarnermut Akileraartarnermullu Naalakkersuisoqarfik, Aatsitassanut Ikummatissanullu Naalakkersuisoqarfik, Aalisarnermut Piniarnermullu Naalakkersuisoqarfik Inuussutissarsiornermut, Suliffeqarnermut, Niuernermut, Nukissiuuteqarnermullu Naalakkersuisoqarfik, Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik, Peqqissutsimut Nunat Avannarliit Suleqatigiinnerannullu Naalakkersuisoqarfik, Ilinniartitaanermut, Kultureqarnermut, Ilisimatusarnermut, Ilageeqarnermullu Naalakkersuisoqarfik, Namminiilivinnermut, Nunanut Allanut Nunalerinnermullu Naalakkersuisoqarfik, A/S Inissiaatileqatigiiffik INI, Iserit A/S, Agerskov Consulting ApS, KANUKOKA, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, KANUNUPE, SIK (Sulinermik Inuussutissarsiuteqartut Kattuffiat), Sulisitsisut (GE), Peqqinnissaq Pillugu Kattuffiit (PPK), Nunatsinni Perorsaasut Kattuffiat (NPK), Atorfiliit Kattuffiat (AK), IMAK (Ilinniartitsisut Meeqqat Atuarfianeersut Kattuffiat), Kalaallit Nunaanni ilinniagartuut Kattuffiat (ASG), Mittarfeqarfiit A/S, Nukissiorfiit A/S, Asiaq, Kalaallit Nunaanni Rigsombudsmandi, Kalaallit Nunaanni Politimestereqarfik, Nunatta Eqqartuussivia, LM Ejendomme, Lynges.gl, Ejendomskontoret, DanskeBank, GrønlandBanken, BankNordik, BRFKredi,t Nykredit, Finanstilsynet.

Tamatuma saniatigut siunnersuut 11. maj 2017 tusarniaasarnermik portalimi tamanut saqqummiunneqarpoq uani: www.naalakkersuisut.gl, tusarniaanermullu killiliunneqarpoq ull. 14. juni 2017.

Uku tusarniaanermi akissuteqarput: SIK, IMAK, Aningaasaqarnermut Akileraartarnermullu Naalakkersuisoqarfik, Kommuneqarfik Sermersooq, GrønlandBanken aamma KANUKOKA.

Soqutiginnittut amerlaqisut toqqaanartumik tusarniarneqarsimammata ataatsimiititaliap akuersaarnartippaa. Ataatsimiititaliilli amigaatitut isigaa nunami kukkunersuisut

tusarniarneqarsimangimmata, taamaattumillu nunami kukkunersiuinermik allaffeqarfiit ataatsimiititaliap nammineerluni attavigisimavai. Ataatsimiinnermit tassannga inerniliussat ataani allaaserineqarput.

4. Sassartitat

Kattuffiit, ingerlatseqatigiiffiit aamma peqatigiiffiit uku ataatsimiititaliamit sassartinneqarsimapput: GrønlandsBanken A/S, Grønlands Revisionskontor A/S aamma Kommuneqarfik Sermersooq.

Grønlands Revisionskontor A/S-imit sassartitaq

Ull. 12. oktober kukkunersuisoq naalagaaffimmit akuerisaq Knud Østergaard sassartinneqarpoq. Ataatsimiititaliap ataatsimiinnissaq piumasarinikuuaa, inatsisiliornermummi atatillugu kukkunersiuinermik suliaqarfimmit ingerlatsisutut sinniisup ataatsip tusarniarneqarnissaa pingaaruteqarluinnartuusoq ataatsimiititaliamit isumaqarfigineqarmat. Maannamut aaqqissuussineq malillugu Knud Østergaard inissiatillit peqatigiiffii sinnerlugit naatsorsuutinik amerlanernik atsiortartuuvoq.

Pigineqatigiilluni illuliornermik aaqqissuussinermi Knud Østergaardimit pingaaruteqartuusut tikkuarneqarpoq, akinik annerpaaffiliinissaq tassani ilanngunneqarsimammat, taamaalillunilu pigineqatigiilluni illuliorinissamut pigineqataassutisunik pisisut aningaasat nalingisa nikerarnerat pissutigalugu aningaasaliinermut sanilliullugu naammaginangitsumik iluanaaruteqarsinnaanerit pinngitsoortinneqarsinnaalissalluni.

Kukkunersuisup naalagaaffimmit akuerisaasup imal. kukkunersuisup nalunaarsorneqarsimasup naatsorsuutinik misissuinissamut periarfissaqannginnerani taarsigassarsianut akiliisariaqannginneq pillugu inatsimmi immikkut akuersissummik periarfissaqarnissaq kaammattuutigineqarpoq.

Pigineqatigiilluni inissiatillit peqatigiiffiata ukiumoortumik naatsorsuutaannut piffissaliineq nikingassagaluarpat, kiisalu § 67, imm. 2 naapertorlugu ull. 1. Januar aallaqqaatissatut akiliutit pigineqatigiissutsillu qaffanneqarneranni nikingassummut pissusissamisunngitsumik kinguneqarsinnaavoq. Tamanna allanngortinneqarsinnaagunarpoq, ukioq naatsorsuusiorfiup qaammatisiutit tunngavigippagit tunngaviginngippagillunniit qaffaaneq ukiumi naatsorsuusiorfimmi ullormi siullermi pisussanngortinneratigut.

Maluginiarneqarportaaq inatsisissatut siunnersuut Illulioriternernut aningaasalersuisarneq pillugu inatsisissatut siunnersuummut saqqummiunneqartumut ataqatigiissinneqassasoq.

Kukkunersuisarnermik allaffeqarfimmit nalilerneqarpoq, inatsisissatut siunnersuutit taakku marlut inissianik niuernerup nalinginnaasup pituttorsimanngitsullu ineriartorneranut ajunngitsumik kinguneqarumaassasut.

GrønlandsBanken A/S-imit sassartitaq

Ull. 17. Oktober GrønlandsBanken A/S-imi pisortaanerup tullia John Jakobsen sassartinneqarpoq. Inatsisissatut siunnersuut una aamma Illuliortiternernut aningaasalersuisarnermut inatsisissatut siunnersuut (UKA 2017/105) ataatsimiinnermi isummersorfigineqarput.

Nunami inisianik niuernerit assigiinngitsorujussuusut aningaaserivimmit nalilerneqarpoq. Nuummi niuernerup nalinginnaangajattumik ingerlanneqalersimanera immikkut taaneqarpoq. Sisimiuni Ilulissanilu niuernerit amerliartuaarput, sumiiffinnili taakkunani tapiissuteqarfigineqartarnissaq suli pisariaqartinneqarpoq, Qaqortumili inissianik niuernerit suli nalorninartoqartinneqarput. Nunap sinnerani niuerneq ataatsimut isigalugu uninngasutut pissuseqarpoq.

Aningaaseriviup isumaa malillugu taamaalilluni inuiaqatigiinnit isumatusaarnersaaq tapiissuteqartarnermut aaqqissuusinerit Nuummi unitsinneqarpata, niuernerup namminerisamik ingerlanneqartarnera pissutigalugu. Akerlianilli peqatigitillugu nalilerneqarpoq, siunnersuutit saqqummiunneqartut marluusut sinerissami niuernerimik allanngortitsinaviannngitsut, pigisanummi aalaakkaasunut neqeroorutigineqartartunut pissutsit piviusut tunngavigalugit pisisussaqaqngimmat.

Aningaasap nalinga tunngavigalugu pilerinarsaarinnikkut inissianik taarsigassarsinermi sioqqutsilluni akiligassat akilerneqarsinnaaneritut periarfissaq siunnersuutigineqartoq aningaaserivimmiittaaq ajunngitsutut isigineqarpoq.

Teknikimut atatillugu oqaatigineqarpoq, aserfallatsaaliuinerup amigaataanerani taarsigassarsiat akilerneqarnissaannut inatsisitigut piumasaqarnissaq pisariaqartariaqaqngitsoq. Siunnersuummi siunertarineqartut aamma naapertorlugit pingaarnersiulluni tulleriarinissamut pitsaanerusemik ingerlatsinissaq taarsigassarsisitsisartut piumasaqartarnerisigut isumannaarneqartareerpoq. [Tamannarpiaq aamma immaqa maaniinnerannut pissutaasinnaavoq. Ataatsimiititaliap isummersuutaa].

Procentilersuinerit appasinnerusut atuutilerpata aamma taarsigassarsiat akilerneqartareerpata aallaakaasumik pigisat akii malunnaatilimmik appariarnaviannngitsut GrønlandsBankenimit nalilerneqarpoq.

Sinerissami pigisanut aalaakkaasunut taarsigassarsianut isumannaarneqarsimasunut atatillugu akiligassaaratarsinnaasut akilersinniarneqassappata niueruteqartarnissaq qularnarlunnissaq. Kisiannili aamma ajornartorsiutitaqarpoq taarsigassarsisitsisumit isummerfigineqartariaqartumik: pigisap aalaakkaasup tunineqarnissaata tungaanut qularnaveeqqut kimit nakkutigineqassava?

Pigineqatigiilluni inissiat pillugit inatsisissatut siunnersuut GrønlandsBankenimit neriulluarfigineqaqaaq, pigineqatigiillunimi inissiat soqutigilluarneqaqimmata. Nuummi, Sisimiuni Qaqortumilu pilersitsinissamat maanna suliniuteqartoqarpoq.

Aningaaserivittaag naliliivoq, taarsigassarseriaaseq siunnersuutigineqartoq atorlugu aningaasalersueqqittoqarsinnaanera periarfissaalluatoq – aamma sinerissami.

Maannakkut aaqqissuussineq aaqqissuussinissamullu siunnersuutigineqartoq atorlugu inuit namminerisaminnik illoqalersinnaanerminnut periarfissarissaarluarnerulissapput, aaqqissuussinerlu taanna atorlugu taamatut takorluugaqartoqarsimassappat namminerisamik illuutissamat ileqqaarnerit ingerlanneqarsinnaassallutik.

Kommuneqarfik Sermersuumit sassartitat

Ull. 20. September Kommuneqarfik Sermersuumit kommunaldirektør Lars Møller-Sørensen ilaalu sassartinneqarput.

Inatsisissatut siunnersuutit saqqummiussat marluusut Kommuneqarfik Sermersuumut iluaqutissartaqassasut ajoqutissartaqassasullu kommunimit nalilerneqarpoq. Nuummi taarsigassarsiat 20/20/60-t atorunnaarsikkiartorneranni ajoqutaaratarsinnaasunut kommunimi inoqarfinni allani taarsigassarsinissamat nutaamik periarfissaqartuni iluaqutissiinerit taartaasinnaassasut ataatsimut isigalugu nalilerneqarpoq.

Nuummut immikkut tunngatillugu pisortanit tapiissutit annertuut pinngikkaluarlugit namminerisamik aamma illuliortoqartarnissaa nalilerneqarpoq. Nalilerneqarportaaq pigineqatigiilluni illuliat Nuummi pilerigineqaleqqissimasut, tamatumalu inatsisitigut iliuuserineqarsinnaasut nutaat atorlugit nanginnissaa naatsorsuutigineqartoq.

Nalilerneqarportaaq taarsigassarsisitsisartunut imminnut attuumasunut illuliassat taakkorpiaat assigiit pillugit tapiiffigineqarnissamik qinnuteqartoqarsinnaajunnaarnerani Nuup illoqarfiata ineriartorneranut iluaqutissiisoqassasoq.

Pineqartumi ataatsimi pineqartoq alla sioqqullugu missingersuutinut konto imaarsimagaangat tapiinissamat neriorsuutit sanaartugassatullu pilersaarutit pisariaqanngikkaluartumik siusinnerusukkat kinguaattoortarsimapput.

Nalilerneqarportaaq ineqarneq pillugu siunnersuut pitsanngortitsissasoq, kiisalu Paamiuni Tasiilamilu aserfallassimagaluaqisunut iluaqutissiinermik nassataqarsinnaasoq

Aningaaserivinnik realkreditimillu sullissisunik isummersoqateqarneq tunngavigalugu kommunip naatsorsuutigaa aningaasalersuisinnaanermut periarfissaaruteratarsinnaaneq pilersinnaasoq pilersussallugu piareersimaffigisariaqartoq.

Taamatuttaaq naatsorsuutigineqarpoq, maanna niuernermi pigisat aalaakkaasut sananeqarneranni akiusut taarsigassarsisitsinermik aaqqissuussinerit nutaat atorlugit akigititat attatiinnarneqarsinnaassasut. Tamatumunnga atatillugu pigisanik aalaakkaasunik niueruteqartarnermi akunnermiliuttartoq Laarseeraq Chemnitz kommunimit innersuussutigineqarpoq, taannami Sermitsiami issuarneqarsimammat, taasimavaalu pisortanit taarsigassarsisitsisarneq akiusup aalajangerneqartarneranut tunngaviusut arlallit ilagiinnaraat, allallu assersuutigalugu akileraarutitigut ernianik ilanngaateqartarneq, pigisap aalaakkaasup sumiiffia kiisalu niuernermi sunniutaasartut soorlu neqeroortarneq pisiumassuseqarnerlu il.il.

Naggataatigut kommunip sinniisaasa maluginiallaqqaat, ukiuni kingullerni tallimani Nuummi pisortanit taarsigassarsiissutit 2/3-lii atorneqarsimammata, taakkulu taarsigassarsiissutit pilerigineqarluinnarsimasut. Siunissami aningaasat agguaattarnissaannut pileriginninneq tunngavigineqassanersoq imaluunniit naalakkersuinikkut pisariaqartitat allat tunngavigineqassanersut aarleqqutigineqarpoq.

Kommuneqarfik Sermersooq

Ull. 27. Oktober ataatsimiititaliaq Kommuneqarfik Sermersuumik naapeqateqaqqippoq. Tassani ilaatigut naapeqatigineqarput Borgmester Aasi Chemnitz Narup, kommunaldirektør Lars Møller-Sørensen aamma illoqarfiup pilersaarusionerani pisortaq Bilø Høegh Stigsen kiisalu Nuuk City Development-imi aqutsinermi pisortaaneq Jens B. Frederiksen.

Ataatsimiinnermi tassani Nuummi ineriartornerup aqunnissaanut pilersaarut pingaarnertut sammeneqarpoq, isummersorfineqarluunilu ingerlatsisut namminersortut taarsigassarsinikkut aningaasalersuisarnerat.

Erseqqissaatigineqarpoq nalinginnaasumik inissianut Nuummi maanna inissanik utaqqisut ukiuni 15-iniit 20-t tungaanut utaqqisariaqartartut, assersuutigalugulu Sisimiuni qaammatini 6-nniit 12-t tungaanut utaqqisoqartariaqartartoq. Tamatut kisiartaalluni tatineqarneq oqimaappoq, taamaattumillu siunissami ineriartornermut aaqqiissutissanik Naalakkersuisut suleqatigerusunneqartorujussuupput.

5. Inatsisissap nassuiaatiginera

Ataatsimiititaliap siunnersuummik suliaqarnerminut atatillugu inatsisissatut siunnersuut pillugu Ineqarnermut il.il. Naalakkersuisoq inatsisissatut siunnersuut pillugu nassuiaateqarnissaanut qinnuigisimavaa.

Ull. 13. Oktober inatsisissaq pillugu nassuiaaneq ingerlanneqarpoq, tassanilu ataatsimiititaliaq inissiaateqarnermut inatsiseqarneq pillugu annertunerusumik paasisaqarnissamut periarfissaqarsimavoq.

Inatsisit pillugit nassuiaanermi partiit attaviitsorlu Sanaartornermut ataatsimiititaliami ilaasortaangikkaluartut aamma peqataatinneqarput.

Uku immikkut erseqqissaatigineqarput:

- Taarsigassarsiarititassanut aningaasaliissutit kommuninut nuunneqassapput, taamaalillunilu innuttaasut sumiiffimmi ataasiinnarmi qinnuteqartassapput taarsigassarsisassallutillu.
- Aningaasat nunami sumiinneq apequtaalluni, sumilu realkreditimit aningaaserivimmillu taarsigassarsisinnaaneq eqqarsaatigalugu annertussusilerneqartassapput. Taamaalilluni illoqarfinni minnerni akissarsiakitsut akunnattunillu isertitaqartartut iluaquserneqassapput.
- Piginneqatigiilluni inissiaatillit peqatigiiffianni inissiat amerlassutsimikkut ikinnerpaaffissaat sisamaniit pingasunut appartinneqassapput, taamaalillunilu illoqarfinni minnerni piginneqatigiilluni inissianik sananissamut periarfissat pitsaanerulersinneqassapput.
- Taarsigassarsianut erniaqanngitsunut akilersugassaangitsunullu, utertillugit akilerneqartussaangitsunut taarsiullugu piginneqatigiilluni inissianut ukiumi 30-ni erniaqanngitsunik akilersugassaangitsunillu taarsigassarsitinneqartalissapput. Taamaalilluni aatsaat realkreditimiit taarsigassarsiat akilersorneqareerpata pisortanut taarsigassarsiat akilersorneqarsinnaalissapput.
- Piginneqatigiilluni inissiaatillit peqatigiiffiata atorunnaarnerani, pisortat piginneqatigiilluni inissiaatillit peqatigiiffiannut taarsigassarsiarititaat inissianut aningaasalersuinissamut taarsigassarsianik taarserneqarsinnaapput.
- Piginneqatigiilluni inissiami najugaqartussaataitanermut maleruagassat atuutsiinnarneqassapput, kisiannili piginneqataasut inissiamik pigisaminnik sivilsunerpaamik ukiumi ataatsimi attartortitsinissamut, tassalu attartortitsisarnermut peqqussummi allamut attartortitsisarnermut maleruagassat assigalugit periarfissinneqassapput.
- Suliat suliarineqartarneri pisariinnerusoq – saaffissaq ataasiinnaq

- Piginneqatigiilluni inissiatillit peqatigiiffiunik minnerusunik pilersitsinissamut periarfissat annerusut
- Piginneqatigiilluni inissiatillit peqatigiiffiannik pilersitsisarneq ajornannginnerusooq, pingaartumik illoqarfinni minnerusuni nunaqarfinnilu
- Taarsigassarsiat amerlassusaannik assigiinngiiaartitsineq, taarsigassarsiat amerlassusaannut najukkanik ataasiakkaanik apeqqutaasitsiviusooq
- Kommunalbestyrelsi taarsigassarsiarititat piginneqatigiilluni inissiatillit peqatigiiffiata pigisaanik qularnaveeqqusiiffigineqartassaaq – assersuutigalugu aningaaserivimmuut realkreditimulluunniit qularnaveeqqusiissutit siuliani taaneqartut salliutinneqartassapput.
- Taarsigassarsinissamut allakkatigut qinnuteqaat kommunalbestyrelsimut nassiuinneqartassaaq.
- Taarsigassarsiat tunniunneqarnissaannut piunasaqaatit inatsimmit pioreersumit ingerlateqqitaapput, kisiannili piffissalikkamik pilersaarutaasumillu aserfallatsaaliuinissamut pilersaarummik nassiussinissamik piunasaqaatitalerneqarluni.

6. Siunnersuutip ataatsimiititaliamit suliarineqarnera

Ataatsimiititaliap siunnersuut misissorpaa, kiisalu Naalakkersuisooq akisussaasoq soqutigisaqartullu avataaneersut peqatigalugit tamanna pillugu isummersoqateqarluni.

Ataatsimiititaliaq ataatsimut isigalugu isumaqarpoq, taarsigassarseriaatsip nutarterneqarnera tulluurtuusooq. Tassungalu atatillugu pissutsit ataani taaneqartut ataatsimiititaliamit pingaaruteqartutut isigineqarput:

- Piffissamut naassaannngitsumut taarsigassarsianut erniaqaranilu taarsersuisussaataaanninneq atorunnaarsinneqassaaq.
- Pisortanit taarsigassarsiat nungunnissaannut sukkanerusumik periarfissaqalerneq.
- Piginneqataassutsinik pigisalinnik ikinnerpaaffiliineq, taakkulu sisamaniit pingasunut ikilisinneqarput.
- Pigisap aalaakkaasup attartortittakkamit piginneqatigiilluni inissialiarineqarnerani tunngaviatigut attartortuusut amerlassusaasa 55 %-imiit 75 %-imut allanngortinneqarnerat.
- Taarsigassarsianik nuussinermi piffissap akilersuisussaaffiup ukiunut qulinut sivikillinissaa, illuatungaatigullu akiitsut aatsaat nungutinneqassapput ukiut 30-t qaangiunneranni.
- Taarsigassarsiniartarnermi periaatsip ajornaallisinneqarnera, saaffigisassap ataasiinnangortinneratigut.

Siusinnerusukkut aningaasanik sinaakkusiussanik atuinnermut sanilliullugu aningaasatigit ingerlatsinerup qanoq ittuunissaa ataatsimiititaliap aamma isummersorfigaa. Tassunga atatillugu ataatsimiititaliap maluginiarpaa, piffissap ingerlanerani aningaasatigit neriorsuinerit allanngorarsimaqisut. Aaqqissuussinnermut 20/20/60-imut, piginneqatigiilluni inissialianut aamma nutarterinissamik taarsigassarsisitsinnermut Nunatta Aningaasiviata aningaasaatai kr. 30 mio.-t missaaniittut ukiuni kingullerni tallimani ukiumut agguaqatigiissillugit atorineqarnikuupput.

Taamaalilluni siunissami ukiumut kr. 35 mio.-t atorniarneqartut naammattutut isigineqarput.

Taamaattorli aningaasat atorineqartarnerat assigiinngisitaartorujussuusoq paasineqarsimavoq, tamannalu kommunimiit kommunimut nikerartorujussuusimavoq.

Nuna tamakkerlugu pilersaarusiarnut nassuiaat 2017 maanna tusarniaassutaasoq tunngavigalugu titartagaq 1.6-imi paasissutissat tunngavigalugit piffissami 2014-imiit 2016-imut namminerisamik illulioritinnermut tapiissutinik neriorsuuteqarnermut tunngasut pillugit Sanaartornermut ataatsimiititaliap skema ataaniittoq suliarisimavaa:

Mio.kr./sumi	Avannaata	Qeqertalik	Qeqqata	Sermersooq	Kujalleq	Katillugit
	815	4.166	29.312	61.201	2.630	98.125

Tassani takuneqarsinnaavoq aningaasat qanoq agguataarneqarsimanersut, taamaalillutillu Qeqqata Kommuniani innuttaasut aningaasat 3/10-sa missaaniittunik akiitsoqalersimapput, Sermersuullu Kommuniani aningaasat 6/10-ii taarsigassarsiarineqarsimapput, nunallu sinneraniittut aningaasat 1/10-liisa missaaniittunik taarsigassarsisimapput.

Ataatsimiititaliap maluginiarpaa, aningaasat ataatsimoortumik tapiissutituulli agguanneqassagaluarpata, taava Kommuneqarfik Sermersooq aningaasaliunneqartut kr. 35 mio.-t 1/3-nik pissarsissaaq, taamaalillunilu ukiumut kr. 12 mio.-t missaaniittunik pissarsissalluni. Kommunini katitertarissanik, illunut ataatsimoorussanut, sanaartoqatigiillunilu illulianik sanaartornermi aqutsinnermut sulianillu ingerlatsinnermut tunniussinnermi naatsorsueriaaseq atorineqartillugu Kommuneqarfik Sermersuup kisimiilluni ataatsimut aningaasaliissutit 1/5-nik tigusaqassaaq. Maannamut agguaaasseriatsimut sanilliullugu kisitsisit taakku naapertuutinngaat, aammattaaq innuttaaqatitta inissaqartinniarneqarnerisa pisariaqarnera eqqarsaatigissagaanni.

Kiisalu ataatsimiititaliap maluginiarpaa, nunaqarfinni isorliunerusunilu inissialiorititsinnermut aningaasat kommuninit tiguneqareersimammata, naak aningaasanik inatsimmik isumaqatigiinniarnep saniatigit naalakkersuinikkut isummersortoqarsimannikkaluartoq. Aningaasanilli nuussinnermut atatillugu ingerlaannaq atuarneqarsinnaangilaq sinnerissami illunut qassinut aningaasaliisoqarsimanersoq. Tassunga atatillugu ataatsimiititaliap A/S INI-

mit paasitinneqarsimavoq, kommunit arlaannaalluunniit aqqissuusseqqinnerup atuutilerneranut atatillugu 2017-imut taakku kr. 25 mio.-t missaaniittut pillugit aqutsinermut piviusunngortitsinermullu tunngasunik saaffiginnissimangitsut. Tamanna pisimangilaq, naak Kommunini katitertarissanik, illunut ataatsimoorussanut, sanaartoqatigiillunilu illulianik sanaartornermi aqutsinermut sulianillu ingerlatsinermut ilitsersuutinik A/S INI-p toqqaannartumik attaviginissaa Naalackersuisunit kaammattuutaasimagaluartoq, taannalu 13. December 2016 ullulernerqarsimavoq.

Taarsigassarsinermut periarfissat nutaat atorlugit pisortanit taarsigassarsisitsinermi procentiliussap annertusineqarsinnaanerani ammaassisoqarpoq. Maanna procentiliussaq 50 %-iusoq 65 %-imut annertusineqarpoq. Pisortanillu taarsigassarsiat aningaasartaanik killiliineq kr. 1,05 mio.-nit kr. 1,43 mio.-nngortinneqarput. Kisitsisit taakku nutaat ataatsimiititaliamit soqutiginarinneqarput, taarsigassarsinermilu periarfissat assigiinngitsuuneri tulluurtuusorinneqarput. Kommuninili ataasiakkaani taarsigassarsisitsinermut killiliussaq tikivillugu akiliuteqartoqartassappat, tamanna kommunit aningaasivinni ataasiakkaani aningaasat pilertortumik nungunneqartalernissaannik aamma kinguneqassaaq, tamannalu piumasaqaataangikkaluartoq, naalackersuinikkut taamatut piumasaqarnissaaq pillugu kissaatigisaq pilertortumik pilersinnaavoq.

Taarsigassarsisitsinermi killiliussat nutaat kingunerissavaat taarsigassarsisitsinernik aarleqquteqarfiusinnaasunik kommunit annertunerusumik nalaataqarsinnaanerat. Taamaallunni Sanaartornermut ataatsimiititaliap kommunit mianersoqqussavai oqaatigilluaannarlugu killissarititaq sinnerlugu ingerlatsinnginnissaannut.

Tamanna tunngavigalugu inissianik sanaartornermut akisussaanerup annertunerusumik siaruarternissaa Sanaartornermut ataatsimiititaliap aarlerinarloqartippaa, peqatigitilluguli maluginiarlugu kommunit taamatut aarleqquteqarneq kommunimi innuttaasut sinnerlugit isumaqatiginngikkaat.

Naggataatungaani ataatsimiititaliap maluginiarppaa § 89-imut nalinginnaasumik nassuiaatini oqaaseq "akiitsortitsisoralugu" allassimasoq, ataatsimiititaliaalli paasinninnera malillugu tassani isumagineqartoq tassaasorineqarpoq "akiitsoqarfigalugu". Ataatsimiititaliaalli isumaa malillugu taamatut isumaanik paarlaatsitsisoorsimaneq pingaaruteqarpallaanngitsut isigineqarpoq, taaneqartariaqarporli kingusinnerusukkut isumasiorneqarsinnaanera tunngavigalugu.

Isumaliutissiissutip uuma suliarineqarnissaanut Ineqarnermut il.il. Naalackersuisoqarfimmik pitsaasumik isummersoqateqarsimaneq ataatsimiititaliap maluginiarlugulu pitsaasutut isigaa. Taamaallunilu ataatsimiititaliap isumaanik naapertuerusussuseqarneq

tusarnaarusussuseqarnerlu ataatsimiititaliap naammaginarartilluinnarpaa.

7. Siunnersuutip aningaasatigut kingunissai

Siunnersuutip piviusunngornarani aningaasatigut kingunissai siunnersuutip nalinginnaasumik nassuiaatitaani allaaserineqarput. Tassani allassimavoq siunnersuummi Namminersorlutik Oqartussanut ingerlaannaq sipaaruteqartitsinissaq siunertarineqanngitsoq.

Namminersorlutik Oqartussat aamma kommunit

“Aningaasat maannamut Namminersorlutik Oqartussat maannamut aaqqissuussap ataani nutaanik piginneqatigiilluni inissialiornissamut taarsigassarsiarititassaattut immikkoortinneqartut, suliap pissusissamisoornerani 2018-imut Aningaasanut inatsimmi ingerlateqqinneqassanngillat.

Kommunit suliaassanik tunniussinnermut atatillugu kommunitut ataatsimoortumik tapiissutit qaffatsinneqassapput. Taamaalilluni piginneqatigiilluni inissianut nutaanut aningaasalersuinnissamut taarsigassarsititsinnermut atatillugu allaffissornermut aningaasalersuinnermullu akisussaaffik kommunitut tunniunneqassaaq. Siunnersuutip malitsigisaanik nutaanik piginneqatigiilluni inissialiornissamut aningaasalersuutissatut taarsigassarsiaritit annertussusaat, nunami sumiiffinni assigiinngitsuussapput.

Piffissaq ungasinnerusoq eqqarsaatigalugu taarsigassarsiat ernialersugaanatillu taarsersugassaannngitsut ukiunut 30-nut killeqalernerani pisortat aningaasaqarniarnerannut sunniutissai piffissaq qaninnerusoq eqqarsaatigalugu annertunerusumik atuiffiunissaa nalilerneqarpoq, piffissarli ungasinnerusoq eqqarsaatigalugu sunniuteqannginnissaa nalilerneqarluni taarsigassarsiat akilerarneqalernissai pissutigalugit.

Kommunit tamaasa ataatsimut isigalugit siunnersuut tunngaviatigut aningaasaqarnikkut sunniuteqassanngilaq. Kommunit nutaanik piginneqatigiilluni inissialiornissamut aningaasalersuutissanik, kommunip missingersuutaanni aningaasassanik, immikkoortitsissapput. Taamaaqataanik kommunit kisimiillutik ineqarnermut suliaasaqarfimmi sanaartornermut pisortanit tapiissutit pingaarnersuineq siunissami isumagisarissavaat.

Kommunit maannamut pisartutut nutaanik piginneqatigiilluni inissialiornissamut aningaasalersuutissanik taarsigassarsiarititassanik qinnuteqaatinik suliaassanik suliarinnittassapput.

Namminersorlutik Oqartussat nutaanik piginneqatigiilluni inissialiornissamut aningaasalersuutissanik taarsigassarsititsinissaq pillugu sulianik nutaanik suliaqartartussaassanngillat.”

Inuussutissarsiortunut aningaasatigut kingunissai

Inatsisissatut siunnersuummi allassimavoq: “Nutaanik piginneqatigiilluni inissialiornissamut aningaasalersuutissanik taarsigassarsititsinermut killiliussat allanngortinneqarneranni, illoqarfinni nunaqarfinnilu arlalinni nutaanik piginneqatigiilluni inissianik sanaartornerulersitsinissaq, siunertaavoq.

Aningaasalersuinerup allanngortinneqarnera taanna piffissami ikaarsaarfiusumi Nuummi illuliortiternermut pingaaruteqassasoq ilimnarpoq. Taamaattoq GrønlandsBanken aamma BankNordik naliliipput, Nuummi taarsigassarsititsisarnermut atugassarititaasuni siunnersuutigineqartuni tassani, Nuummi nutaanik piginneqatigiilluni inissialiornissamut realkredittimit aningaasalersuutissarsisoqarsinnaanera, ingerlaannassasoq. GrønlandsBanken aamma BankNordik naliliipput, aamma piginneqataasut ataasiakkaat qaammatikkaartumik akiliutissaasa annikitsumik qaffatsinneqarneranni, Nuummi nutaanik piginneqatigiilluni inissialiornissamut tunngavissaqaannassasoq.”

Eqikkaaneq

Siunnersuutip nalinginnaasumik nassuiaatitaani taaneqarsimavoq siunnersuutip akuerineqarnerani tamanna Nunatta Aningaasivianut aningaasatigut sunniuteqarnaviangitsoq, siunnersuullu taamaalilluni missingersuutitut sunniuteqassanngitsoq. Tamanna tunngavigalugu ataatsimiititaliaq allatut naliliinissamut tunngavissaqanngilaq. Taamaalilluni ataatsimiititaliap tatigaa apeqqut Naalakkersuisunit sukumiisumik misissorneqarsimasoq, kiisalu aningaasatigut sunniutaasussat allat pilersinnaanngitsut. Naatsorsuutigisalli akerlianik siunnersuut pisortat aningaasiviinut aningaasartuutunik amerlanerusunik nassataqassagalarpat, aningaasartuutit taakku aningaasaliissutaareersunit matussuserneqartariaqassapput, taamaattoqassappallu suliniutit allat annikilliliiffigineqarnerinik kinguneqartariaqassaaq.

8. Ataatsimiititaliap inassutai

Ataatsimiititaliaq isumaqatigiittoq siunnersuut pillugu ima oqaaseqaateqassaaq:

- Ataatsimiititaliap naatsorsuutigaa kommunini illuliortiternut aamma piginneqatigiilluni inissianut aningaasanik piviusunngortitsineq konto pingaarneq 20.05.20-mut Kommunimut ataatsimoortumik tapiissutinut ilanngunneqarumaasasoq, aamma


- Aningaasat nuunneqartut “parnaarunneqassasut”, taamaalillutik aningaasat taamaallaat ineqarnermut siunertanut atorneqarsinnaalersillugit, ukununnga: taarsigassarsisitsinermut, sanaartornermut aamma nutarterinermut, aamma
- Kommuni katitertarissanik, illunut ataatsimoorussanut, sanaartoqatigiillunilu illulianik aqutsinermut sulianillu ingerlatsinermut inoqarfiusunut ikinnerusunik innuttalinnut iluaqutissiisussamik aningaasanut agguaassinissamut tunngavissiamik peqartoqareerpoq, aamma
- Agguaassinissamut tunngavissiamik nutaamik suliaqartoqarnissaa, tassuunakkullu isumannaarneqassaaq aningaasanik siunissami agguaasseriaaseq pissutigalugu illoqarfiit ineriartorfiusut unitsinneqannginnissaat.

Ataatsimiititaliap isumaqatigiittup tamanna tunngavigalugu siunnersuut saqqummiunneqartoq akuerineqassasoq inassutigaa.


Taamatut oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Bendt B. Kristiansen,
Siulittaasoq




Jens-Erik Kirkegaard,
Siulittaasup tullia



Jess Svane



Pitsi Høegh



Villy Olsvig